



Ազգաբարոյեան Trumpet's Sound **փող**

54-րդ ՏԱՐԻ, ԱՄՏՐԱԼԻԱ
ՍԵՂՏԵՄԵՐ - ՂՈԿՏԵՄԵՐ 2023



«ԱԶԳԱՐԱՐՈՒԹԵԱՆ ՓՈՎ»
երկամսյա հոգեւոր թերթ

Պատասխանատու խմբագիր՝
հովիւ Հրաչ Գույումեան

ACM AUSTRALIA
PO BOX 1593,
CHATSWOOD NSW 2057
EMAIL: hkiujian@acmaust.org
URL: www.acmaust.org



Բովանդակություն

«Խնդագողներուն հետ խնդացէ՛ք
եւ լացողներուն հետ լացէ՛ք» 3

Հովիւ Հրաչ Գույումեան

Սաղմոս 4 5

Տոն Սրորմը

Օգտագործենք պատեհ առիթները . . . 7

Քաղուած

Ողորմութեան խոստում 9

Քաղուած

Յոք (1) 13

Տոն Սրորմը

Փոփոխութիւններ ACM-ի մէջ 15

Տօքթր Դանիէլ ճէյմս

Կազմի նկարը՝ Տիլիճան,
Shutterstock:

- Աղօթեցէ՛ք Աւետարանի կարիքն ունեցող Արցախցի 120,000 փախստականներու համար, ովքեր այժմ Հայաստանի մէջ կը գտնուին:
- Աղօթեցէ՛ք սնունդի հայթայթման համար, որը մեծապէս անհրաժեշտ է փախստականներու գոյատեւման համար:
- Աղօթեցէ՛ք փախստականներու համար, ովքեր շուտով պիտի դիմագրաւեն ծմեռուայ ցուրտ պայմանները:
- Աղօթեցէ՛ք իրենց սիրելիները կորսնցուցած սգաւորներու համար: Աղօթեցէ՛ք բազմաթիւ այրիներու եւ որբերու համար:
- Աղօթեցէ՛ք ACM-ի իմաստութեան համար, որպէսզի գիտնանք թէ որտեղ եւ ինչպէս օգնութիւն ցուցաբերենք:
- Աղօթեցէ՛ք Հայաստանի մեր գործընկերներու համար, որ Սուրբ Հոգիով առաջնորդուին:
- Աղօթեցէ՛ք աշխարհի խաղաղութեան համար:
- Աղօթեցէ՛ք Տիրոջ արքայութեան գալու համար:

Սոյն թերթի ծախսերը կը հոգացուի հաւատացեալներու սրտաբուխ նուէրներով:

«Խնդացողներուն հետ խնդացէ՛ք եւ լացողներուն հետ լացէ՛ք»

Հռոմ. 12:15

Ի՞նչ է պատահած մեր աշխարհին: Ականատես ենք այնպիսի բաներու, որոնք նախկինին չէինք տեսած, չէինք լսած. «Վասն զի ազգ ազգի վրայ պիտի ելլէ ու թագաւորութիւն թագաւորութեան վրայ եւ տեղ տեղ սովեր ու մահտարածամեր ու երկրաշարժներ պիտի ըլլան: Սակայն ասոնք ցաւերուն սկիզբն են: Այն ատեն ձեզ նեղութեան պիտի մատնեն եւ ձեզ պիտի սպաննեն ու իմ անուանս համար բոլոր ազգերուն ատելի պիտի ըլլաք»:

Աշխարհի հայեացքն ուղղուած է Մերձատր Արեւելքին: Ազրպէյճանը շրջափակեց 120,000 Արցախահայութեանը, որոնք դարեր շարունակ ապրած են իրենց հայրենիքի՝ Լեռնային Ղարաբաղի մէջ: Ելեկտրականութիւնն ու այլ մատակարարումները 90 օր անջատուած մնացին: Չկայ ջեռուցում, սնունդ, վառելիք, աշխատանք, դեղորայք: Բոլորը կ'ապրէին անյայտութեան վախի մէջ, իսկ յետոյ ռմբակոծութիւնները սարսափ տարածեցին ժողովուրդին մէջ եւ անոնք ստիպուած լքեցին իրենց հայրենիքը: Ընդամենը մի քանի շաբաթ առաջ տարբեր տարիքի շուրջ 120,000 մարդ լքեց իրենց բնօրրանը: Անոնք թողեցին իրենց խանութները, հողն ու անասունները՝ Հայաստան փախչելու համար: Գրեթէ բոլորը Հայաստան ժամանեցին միայն իրենց վրայ եղած հագուստով: 2,5 միլիոն բնակչութիւն ունեցող երկիրը, որու 30%-ը աղքատութեան շեմին է, ընդունեց 120,000 փախստականներու հոսք:

Վերջին 25 տարիներուն մէջ Հայ քրիստոնէական առաքելութիւնը հաւատարմօրէն ծառայեց Հայաստանի կարիքատու ժողովուրդին, սակայն մենք պատրաստ չէինք նման աղէտ դիմագրաւելու: Մարդիկ ամէն օր կը թակեն մեր դուռը, ցանկացած տեսակի օգնութիւն կը խնդրեն. սնունդ, հագուստ, վարձակալութեան օգնութիւն, դպրոցական պայտուսակներ մանուկներու համար, ձմեռային տաք հագուստ: Մարդիկ խորհրդատութեան կարիք ունին, քանի որ գրեթէ իւրաքանչիւր ընտանիք զոհեր թողած է իր ետին:

Մենք կուլանք լացողներու հետ, բայց Հայաստանի մեր աշխատակիցներու համար շատ ծանր էր: Երկու օրուայ մէջ 10,000\$-ի արժողութեամբ սնունդ բաժնեցինք 240 մարդկանց: Կը խնդրենք աղօթքով աջակցել մեզ, քանի որ այս մարտահրաւերը մեր կարողութիւնէն շատ աւելի ծանր է: Մենք նաեւ շուտով նոր հագուստով բեռնուած ուղղեքեռ պիտի դրկենք Հայաստան, քանի որ Հայաստանի կառավարութիւնը սահմանափակում դրած է օգտագործուած ապրանքի վրայ: Բեռնափոխադրումը կ'արժէ 18,000\$: Եթէ կարող էք եւ ցանկութիւն ունիք օգնելու, ապա կը խնդրենք մեզ հետ կապ հաստատել այս հասցեով՝ info@acmaust.org:

Այնուամենայնիւ, այս բոլոր արցունքներու միջով մենք ուրախութիւն կը վայելենք՝ իմանալով, որ Անոր գալուստը մօտ է, եւ շուտով պիտի տեսնենք Ձինք մեր աչքերով եւ ծունկի պիտի գանք ու երկրպագենք Ձինք:

Թո՛ղ Տէրը ձեզ բոլորիդ ապահով պահէ մեր Տէր Յիսուսի մէջ:

Հ. Գ.

*«Եղբայրներ՛ր, ոչ թէ նոր պատուիրանք մը կը գրեմ ձեզի,
Հապա այն Հին պատուիրանքը որ սկիզբէն ունէիք:
Հին պատուիրանքը այն խօսքն է, որ դուք սկիզբէն լսեցիք:
Դարձեալ նոր պատուիրանք մը կը գրեմ ձեզի,
որ ճշմարիտ է անոր մէջ ու ձեր մէջ. վասն զի խաւարը
կ'անցնի ու ճշմարիտ լոյսը արդէն կ'երեւնայ:
Ան որ կ'ըսէ թէ լոյսի մէջ է ու իր եղբայրը կ'ատէ,
անիկա տակաւին խաւարի մէջ է: Ան որ իր եղբայրը կը սիրէ,
լոյսի մէջ կը բնակի ու իր մէջ գայթակղութիւն չկայ.
Բայց ան որ իր եղբայրը կ'ատէ խաւարի մէջ է
ու խաւարի մէջ կը քալէ ու չի գիտեր թէ ո՞ւր կ'երթայ,
վասն զի խաւարը անոր աչքերը կուրցուցեր է»:*

Ա Յովհ. 2:7-11

Սաղմոս 4

4-րդ Սաղմոսը մի մարդու աղօթք է, որուն մարդիկ ուզած են կործանել: Ան իր նեղության մեջ Աստուծոյն դիմեց ու հանգստութիւն գտաւ: Ան փորձառեց Տիրոջ օրհնութիւնը եւ կարողացաւ հանգստանալ Անոր բարութեան մեջ:

Ըստ երեւոյթին, թէեւ Տէրը հանգստացուց զինք, սակայն Դաւիթը ստիպուած էր եւս մէկ անգամ Տիրոջը դիմել օգնութեան համար: Հեշտ է պատկերացնել, թէ երբ սա կարող էր տեղի ունեցած ըլլալ: Մէկ անգամ չէ, որ ստիպուած էր Սաուղի դաժան նախանձէն փախչել, եւ նոյնիսկ երբ ժամանակ առ ժամանակ վերջինս ընդունած էր իր սխալ ըլլալը, սակայն շատ չանցած Դաւիթը կրկին փախուստի դիմած էր՝ անոր չար մտադրութիւններէն խուսափելու համար: Եւս մէկ անգամ Դաւիթը արդարութեան Աստուծմէ կը խնդրէր լսել զինք ու Իր ողորմութիւնը տարածել իր վրայ:

Դաւիթը կը հարցնէ, թէ մարդիկ մինչեւ ե՞րբ պիտի փնտռեն իր փառքը ամօթի վերածել: Սինչեւ ե՞րբ պիտի փորձեն կործանել իրեն կամ գոնէ նուաստացնել զինք: Իրեն հակառակողներն իրենց միտքը դրած էին բացարձակապէս ոչ մէկ արժէք ունեցող բաներու վրայ:

Այս մարդիկ պէտք է իմանային, որ Դաւիթի դէմ իրենց բոլոր գործողութիւնները պիտի չյաջողի: Տէրն արդեն Իր համար գատած էր Աստուածապաշտներուն: Եթէ Աստուծոյ ձեռքը պաշտպանէ Դաւիթին, ան ապահով կը մնար: Այս գիտակցութեամբ Դաւիթը բացարձակ համոզմունք ունէր, որ Աստուած պիտի լսէ ու պաշտպանէ զինք:

Այնուամենայնիւ, մեզ կը հետաքրքրէ այն հարցը, թէ մենք ինչպէ՞ս պէտք է արձագանքենք նման իրավիճակներու ժամանակ, կամ ինչպէ՞ս պէտք է արձագանքենք անաստուած մարդկանց նենգութիւններուն: Դաւիթը կը նշէ չորս բան, որ պէտք է հետեւենք.

- **Բարկացէ՛ք եւ մեղք մի՛ գործէք:** Որոշ մարդիկ կը սորվեցնեն թէ բարկանալը մեղք է, մոռնալով, որ Աստուած ամէն օր բարկացած է ամբարիշտներուն վրայ: Երբ Պօղոսը Եփես. 4:26-ին մեջ կրկնեց այս հրահանգը, ան աւելցուց ըսելով. «Արելը ձեր բարկութեանը

վրայ մարը թող չմտնէ»։ Կայ այսպէս կոչուած արդար բարկութիւն։

- **Խօսեցէ՛ք սրտերնուդ հեկ չէր անկողիններուն վրայ ու լռեցէ՛ք։** Ի՞նչ բաներու շուրջ կը խորհիմք։ Լաւ է խորհրդածել մեր Աստուծոյ շնորհալի ողորմութիւններու շուրջ, մտածել մեր համդէպ Իր ցուցաբերած ողջ բարութեան եւ սիրոյ շուրջ։ Երբ այդպէս ընենք, մենք կը տեսնենք, որ մեր սրտերը կը հանդարտին Տիրոջ ներկայութեան մէջ։
- **Արդարութեան զոհեր մատուցանեցէ՛ք։** Թէեւ այլեւս մեղքի համար կրկնուող գոհաբերութիւններ չենք մատուցէր, այնուամենայնիւ կան զոհեր, որոնք Տիրոջը անընդհատ կը մատուցենք։ Անոնց շարքին կը պատկանի գոհաբանութեան զոհը՝ մեր շրթունքներու պտուղը (Եբր. 13:15)։
- **Տէրոջը յուսացէ՛ք։** Իզուր է մարդուն վստահելը. մեր վստահութիւնը պէտք է միայն Տէր Աստուծոյ վրայ ըլլայ։

Շատեր կը փորձեն յուսահատեցնել մեզ՝ հարցնելով, թէ ո՞վ մեզ բարութիւն պիտի ընէ։ Դաւիթը համաձայն չէ պարտուիլ անոնց խօսքերէն։ Փոխարէնը, ան աղօթքով դիմեց Տիրոջը՝ խնդրելով բարձրացնել Իր դէմքի լոյսը իր վրայ։ Եթէ Տէրը բարեհաճութեամբ նայի մեզ, Ան կը պահէ մեզ մեր բոլոր նեղութիւններուն մէջ։ Ան մեր սրտերուն մէջ ուրախութիւն մը կը դնէ, որն աւելի մեծ է, քան այն ուրախութիւնը, որը որոշ մարդիկ կ'ունենան երբ անոնց ցանքը առատ բերք կուտայ։ Որպէս արդիւն՝ Դաւիթը կարողացաւ հանգստանալ Տիրոջ ապահովութեան մէջ։

Արդեօ՞ք տրված ենք սաղմոսերգուի պէս Տիրոջը նայիլ։ Դժուարութիւններու ժամանակ արդեօք նախ Տիրոջը կը փնտռենք։ Եթէ այդպէս է, ապա կարող ենք հանգիստ պառկիլ՝ իմանալով, որ Տէրը մեզ ապահով կը բնակեցնէ Իր խնամքին տակ։

Տոն Սթոքմըր



Օգտագործենք պատեհ առիթները

«Վերջերս Աստուած առիթը շնորհեց անարժանիս որ բանտին մէջ վկայեմ ամենագէշ մեղաւորներէն մէկուն» կը պատմէ Պիլ անունով հաւատացեալ բանտարկեալ մը:

«Բոլոր բանտարկեալները իրենց խցիկները վերադարձած էին բացի ինձմէ: Կէսօրէ ետք ժամը չորսն էր: Այդ պահուն էր որ բոլոր կալանաւորները կը համրուէին: Ես բանտի բուժարանն էի, ցաւի դեղահատներ առնելու: Վերջին անձն էի, բայց դեղագիրս չէին գտներ: Ուստի առանձին կը սպասէի: Յանկարծ դուռը բացուեցաւ եւ երեք պահակներ, բանտարկեալի մը ընկերացած, ներս մտան: Ան կարմիր համագգեստ հագած էր, որը կը նշանակէր թէ ծայրագոյն պահպանութեան շէնքէն էր: Անոր ոտքերը եւ ձեռքերը չղթալուած էին: Երբ քաշքշուելով բուժարան մտաւ, պահակները զարմացան, զիս հոն տեսնելով: Կատաղի եւ շատ վտանգաւոր բանտարկեալները այսպիսի ժամերուն կը տեղափոխէին, որ ուրիշներու չի հանդիպէին: Այս մարդը Պրայըն Սթէշլըն էր, մահապարտներու շարքէն: Բուժարան բերուած էր, որ ֆիզիքական վիճակը իմանային, նախքան իր մահապատիժը, որ քանի մը օրէն պիտի գործադրուէր: Գիտէի անոր ով ըլլալը, ուստի մինչ պահակներուն հետ հոն նստած էի, սկսայ հետը խօսիլ: Սկիզբը պատհակները չուզեցին որ խօսիմ, բայց անոնցմէ մին զիս կը ճանչնար եւ արտօնեց որ խօսիմ Պրայընին հետ: Նախ դժուար էր խօսակցութիւնը սկսիլ: Դիւրին չէ խօսիլ մէկու մը որ մի քանի օրէն պիտի մեռնուէր: Իրեն ըսի որ պատահական չէ որ ես հոս եմ այս ժամուն: Քիչ ատենէն անօգնական պիտի ըլլար ան: Հարցուցի եթէ Տէրը գիտէ՞ր: Ըսաւ թէ լսած էր Աստուծոյ մը մասին, բայց Ձայն չէր ճանչնար: Բոլոր կեանքը անձնակեդրոն եւ չար մէկը եղած էր: Քովս գտնուող խոստումներու գրքոյկէն կարգ մը հոգեւոր համարներ կարդացի, որոնք մեղքի եւ փրկութեան մասին էին: «Եթէ մէկը մեղք գործելու ըլլայ, Հօրը քով բարեխօս ունինք Յիսուս Քրիստոս արդարը: Անիկա մեր մեղքերուն քաւութիւն է, եւ ո՛չ միայն մերիններուն, հապա բոլոր աշխարհին ալ»: (Ա Յովհ. 2:1-2) Պրայընին ըսի. «Յիսուս քեզ կը սիրէ, նոյնիսկ քու մեղքերովդ: Ան քեզ շատ կը սիրէ եւ կ'ուզէ որ փրկուիս»: Աչքերուս նայեցաւ եւ ըսաւ. «Ձի՞ս»: Այո՛, ըսի

Յիսուս քեզ կը սիրէ եւ բացատրեցի թէ ինչպէս կրնար ներում ստանալ ու փրկուիլ խոստովանելով մեղքերը, ընդունելով որ Յիսուս խաչին վրայ իր տեղը մեռաւ, զինք փրկելու յափտեմական դժոխքէն:

Ճիշդ այդ պահուն բանտի բժիշկը զինք գրասենեակը կանչեց: Պահակներուն հարցուցի թէ կրնայի՞ մի քանի հոգևոր թերթիկներ տալ իրեն: Երբ թոյլտուութիւն ստացայ, անմիջապէս Պրայընին գրպանը դրի Աստուծոյ Խօսքէն հատուածներ: Երբ կը հեռանար, դրան առաջ կանգ առաւ եւ ինծի դառնալով հարցուց. «Քրիստոս կը ներէ՞ ինծի»: «Այո՛, Յիսուս կը ներէ քեզի» պատասխանեցի վստահութեամբ եւ ան սենեակ մտաւ: Ես սերմը ցանցի: Կը հաւատամ որ օր մը կրնամ այս մարդը երկինքը տեսնել: Պրայըն Քրիստոսը ճանչնալու հաւանութիւնը ունեցող վերջին անձն էր: Գէշերուն գէշը: Սակայն Աստուած այնքան սիրեց աշխարհը որ եթէ ինծի պէս մեղաւորը փրկեց կարող էր Պրայընն ալ փրկել:

Մի քանի վայրկեան վերջ հիւանդապահուիին եկաւ եւ իմ դեղս ձեռքին մէջն էր: «Կը ցաւիմ որ քեզ սպասցուցինք» ըսաւ: «Դեղագիրդ քու պահարանիդ մէջն էր: Կը զարմանամ թէ ինչպէս զայն չի տեսանք առաջին անգամ»: Անկասկած Աստուծոյ հօր ձեռքը ասոր մէջ էր: Ամենակալէն շատ բաներ կը ստանանք երբ Իր Միածին Որդին կ'ընդունինք որպէս մեր Փրկիչը: Սկիզբը չենք անդրադառնար այդ բոլոր օրհնութիւններուն որոնք մեզի տրուած են: Միայն ժամանակի ընթացքին է, որ Հօր Աստուծմէ մեզի պէտք եղած գիտութիւնը եւ իմաստութիւնը կը շահինք գիտակցելու թէ ինչ բանը իրական արժէք ունի: Կրնամ վկայել թէ ամբողջ աշխարհը եւ ինչ որ անոր մէջ արժէքաւոր կը սեպուի բոլորը խաբկանք է: Երեսունութը տարիներ աշխարհի չափանիշով ապրեցայ եւ այդ ընթացքը զիս կործանումի առաջնորդեց: Մեղքը զիս խորտակեց եւ շատեր որոնք իմ շուրջս էին, քանի որ ես իմ անձիս համար կ'ապրէի: Ապրեցայ աշխարհի մէջ արժէք ունեցող բաներու համար: Ինչ որ դրամով կը գնուէր՝ ունէի - նիւթական գանձ, թանկարժէք ինքնաշարժներ եւ փառաւոր տուններ: Այս բոլորը միայն վիշտ պատճառեցին ինծի եւ կեանք մը որ անարժէք էր ինծի եւ շուրջիններու համար:

Օր մը, առաջին անգամ ըլլալով լսեցի փրկութեան լուրը յստակօրէն: Այդ ժամանակ գիտակցեցայ թէ այդ էր ճշմարտութիւնը: Ասիկա իմ

հասկացողութենէ չէր, այլ Սուրբ Հոգիին ներգործութենէն: Հասկցայ թէ ահաւոր մեղաւոր մըն եմ եւ փառաւոր Փրկիչին պէտք ունիմ: Զրիստոսը ընտրեցի որպէս իմ անձնական Փրկիչս, Յունիս 2, 1974 թ.-ին: Այսպէս սկսաւ հոգեւոր կեանքս եւ իմ արժեւորումներս սկսան փոխուիլ: Ըսելիքս այս է որ աշխարհի բոլոր բաները ունէի, բայց անոնք զիս բնաւ չի գոհացուցին: Հիմա Աստուծոյ բաները ունիմ եւ կը փափաքիմ հնազանդ եւ հաւատարիմ ծառայ մը ըլլալ: Անկէ ի վեր, Տիրոջը անհուն սէրը, գերազանց շնորհքը եւ սքանչելի փրկութիւնը ունենալով, ես օրհնուած հարուստ մէկն եմ: Փառք Տիրոջ:

«Խօսքը քարոզէ մտադրութեամբ, գործիդ պարապէ ատենին ու ատենէն դուրս» (Բ Տիմ. 4:2):

«Յիսուս աշխարհ եկաւ մեղաւորները փնտռելու որոնց գլուխը ես եմ» (Ա Տիմ. 1:15):

Քաղուած՝ «Աւետաբեր ձիթենին» գրքէն

Ողորմութեան խոստում

Բ Թագ. 9:1-7

1942, Մարտ 11, Փիլիպեան կղզիներու մէջ քաղաքական վիճակը շատ վատ էր: 2-րդ Համաշխարհային պատերազմի ժամանակ էր եւ ամերիկեան զօրքերը կը ջանային պահպանել Փիլիպեան կղզիները՝ ճափոններու դէմ: Երբ յստակ էր որ յանձնուելու ժամանակը եկած էր, ճենըրըլ ՄըքԱրթըրը ըսաւ իր զօրքին. «Վիճակը վատ է, պէտք է յանձնուինք, բայց ձեզի խոստում կուտամ որ դարձեալ պիտի վերադառնամ»: Իսկապէս ալ երկուքուկէս տարիներ ետք ճենըրըլ ՄըքԱրթըրը վերադարձաւ Փիլիպեան կղզիներ: Ան խոստում տուաւ եւ խոստումը պահեց: Պարտուեցան, յանձնուեցան, սակայն անոնց խոստացաւ վերադառնալ, յոյս ներշնչելով որ յաջորդի յաղթութիւն պիտի ունենան:

Բ Թագ. 9-րդ գլխուն մէջ կը կարդանք Դաւիթ թագաւորի մասին որ Սաուլի տունէն մարդ կը կը փնտռէր բարեւորութիւն ընելու համար:

Ինչպես գիտեք, Իսրայելի առաջին թագաւորը Սաւուղ էր: Հակառակ որ Աստուած էր Իսրայելի թագաւորը եւ նպատակ չ'ունէր անոնց վրայ թագաւոր դնելու, ժողովուրդը Սամուէլ մարգարէին գացին ու պնդեցին որ թագաւոր մը ունենայ իրենց վրայ: Սամուէլ դժգոհեցաւ, բայց Տէրը Սամուէլի ըսաւ որ որովհետեւ գինք չեն ընդունիր իբրեւ իրենց Թագաւորը անոնց թագաւոր մը պիտի տար: Տէրը Սաւուղը թագաւոր դրաւ Իսրայելի վրայ, բայց տարիներ ետք Սաւուղ Տէրոջը խօսքը մտիկ ընելէ դադրեցաւ ու Տէրը ըսաւ Սաւուղի. «Քանի դուն զիս կը մերժես, Ես ալ քեզ ու քու զաւակներդ կը մերժեմ ու քու թագաւորութեանդ շարունակուիլը»: Հետեւաբար, Տէրը Սամուէլ մարգարէն որկեց Դաւիթը թագաւոր օծելու: Սինչեւ Դաւիթ թագաւոր եղաւ 12 տարիներ անցան որու ընթացքին Սաւուղ անդադար Դաւիթը հալածեց սպաննելու համար: Սաւուղի որդին՝ Յովնաթան Դաւիթը կը սիրէր եւ օր մը այսպէս արտայայտուեցաւ անոր. «Եթէ հայրս քեզի չարութիւն ընել ուզէ, քեզի պիտի յայտնեն ու քեզ պիտի արձակեն որ խաղաղութեամբ երթաս, ու ոչ թէ միայն իմ կենդանութեանս ատեն ինծի Տիրոջ ողորմութիւն ընես որ չմեռնիմ, այլ քու ողորմութիւնդ իմ տունէս յաւիտեան չկտրես, ոչ ալ այն ատեն երբ Տէրը Դաւիթի բոլոր թշնամիները երկրի վրայէն վերցընէ»: Յովնաթան գիտէր որ Տէրը մերժած էր Սաւուղը եւ անոր զաւակները թագաւոր ըլլալէ եւ Դաւիթ ընտրած էր, ուրեմն Յովնաթան կը խնդրէ որ Դաւիթ խոստանայ իրեն եւ իր զաւակներուն ողորմութիւն ցուցնել:

Դաւիթ կը խոստանայ: 12 տարիներու ընթացքին Դաւիթ փախստական կեանք կ'ապրի. Պալատներու մէջ ապրելու տեղ կ'ապրի քարայրներու մէջ: Սակայն Տէրը խոստացած էր եւ 12 տարիներ ետք Դաւիթ թագաւոր կ'ըլլայ: Թագաւոր ըլլալէ ետք Դաւիթ օր մը կը յիշէ որ Յովնաթանի խոստացած էր անոր ընտանիքին ողորմութիւն ընել: Դաւիթ փնտռել կուտայ որ Սաւուղի տունէն մէկը կա՞ր: Սիբա անունով ծառայ մը կը գտնեն եւ Սիբա կը տեղեկացնէ որ Յովնաթան ոտքերը կաղ որդի մը ունէր Լադաբարի մէջ: Դաւիթ կը հրճուի յիշելով Յովնաթանի սէրը իր հանդէպ եւ կը փութայ իրագործելու իր խոստումը: Յովնաթանի զաւակին անունը Մեմփիփոսթէ էր որ Եբրայերէնի մէջ կը նշանակէր «ամօթալի»: Երբ թագաւորին ծառաները կ'երթան զինք բերելու, Մեմփիփոսթէ կը վախճնայ որ թագաւորը զինք սպաննել պիտի տայ: Ան Լադաբարի մէջ կը պահուըտէր որ դարձեալ Եբրայերէնով կը նշա-

նակէ «անապատ տեղ մը» եւ չէր գիտեր Դաւիթի նպատակը ինչ էր: Դաւիթ երբ կը տեսնէ զինք կ'ըսէ. «Սի վախճար, քու հօրդ Յովնաթանի սիրոյն քեզի բարերարութիւն պիտի ընեն»: Երբ Սաուլ եւ Յովնաթան կը մահանան Մեմփիփոսթէի հոգատարը զինք կը փախցնէ հեռու տեղ մը մահուրէն ազատելու համար: Երբ կը վազէին հոգատարը կ'իյնայ նաեւ Մեմփիփոսթէ այլ հետը ու երկու ոտքերը կաղ կը դառնան: Դաւիթ իբրեւ թագաւոր իրաւասութիւն ունէր սպաննել տալու իր թշնամիին ընտանիքը, սակայն Յովնաթանի հանդէպ ունեցած սիրոյն համար Մեմփիփոսթէի ողորմութիւն ցոյց կուտայ: Այս պատկերը մեր Տէրոջը մեզի հանդէպ ունեցած սիրոյն կը նմանի: Ամենակարող Տէրը մեզի կ'ըսէ «Ես ձեզ ստեղծեցի բայց դուք ինկաք Եդեմի պարտեզին մէջ: Հիմա կաղ էք եւ չէք կրնար քալել ու կ'ապրիք այնպիսի տեղ մը Լադաբարի նման անապատի մը մէջ: Ես ձեզի համար այդ չստեղծեցի այլ՝ Պարտեզը, բայց դուք ինձմէ հեռացաք: Սակայն ես ձեզի խոստում ըրի որ ձեզի համար միջոց մը, ճամբայ մը պիտի ստեղծեմ որ կարենաք իմ ողորմութիւնս ստանալ, Իմ զակիս՝ Յիսուս Քրիստոսի սիրոյն համար»:

Յովի. 3:16-ին մէջ կը կարդանք որ Աստուած սկիզբէն սիրեց աշխարհը եւ միջոց մը ստեղծեց Քրիստոսը որկելով ինձի եւ քեզի համար մեռնելու: Տէրոջը Խօսքը կ'ըսէ Եսայեայ 64:4-ին մէջ որ պիղծ բանի պէս եղանք, որ մեր բոլոր արդարութիւնները աղոտտ լաթի պէս էին, այսինքն՝ ամօթալի վիճակ ունէինք, կաղ էնք, Մեմփիփոսթէ էինք, բայց Տէրը ըսաւ. «Տակաւին ձեզ կը սիրեմ, տակաւին իմ խոստումս պիտի յարգեմ»: Եւ Եսայեայ դարձեալ կ'ըսէ որ մենք մոլորեցանք ոչխարներու պէս, սակայն մեր բարի Հովիւը եկաւ մեր ետեւէն որ մեզ փնտռէ ու գտնէ: Աստուած սիրեց մեզ եւ պատրաստ է մեզի մեր կաղ վիճակէն ազատելու եւ Իր ողորմութիւնը շնորհելու, մեզ բժշկելու եւ նոր կեանք տալու: Երբ Դաւիթ Մեմփիփոսթէն իր առջեւ բերաւ, ըսաւ անոր. «Սի վախճար, քանզի քու հօրդ Յովնաթանի սիրոյն համար քեզի բարերարութիւն պիտի ընեն ու քու մեծ հօրդ արտերը քեզի պիտի դարձնեն»: Դաւիթ նախ անոր կեանք շնորհեց: Մեմփիփոսթէ մինչեւ այդ վայրկեան տակաւին վախի մէջ էր որ կեանքը կրնար կորսնցնել: Տէրը քեզի նոր կեանք տուաւ այն վայրկեանին երբ Յիսուսը ընդունեցինք, վախճալու պէտք չունինք որ մեր յաւիտեանականութիւնը ի՞նչ պիտի ըլլայ: Քրիստոսի մէջ պահպանութիւն ունինք: Երկրորդ Դաւիթ խոստա-

ցաւ ժառանգութիւն տալ: Սաւուղի արտերը տալ Մեմփիփոսթէի: Տէրն ալ մեզի հոգեւոր պարգեւներ, ժառանգութիւն եւ բարեարարութիւն խոստացած է: Մենք արժանի չենք, բայց Քրիստոսի սիրոյն համար Տէրը մեզի այդ բոլորը խոստացած է:

Երբորդ, Դաւիթ ըսաւ Մեմփիփոսթէի. «Ու դուն միշտ իմ սեղանս հաց պիտի ուտես: Ի՛նչ մեծ պատիւ պիտի զգայ եթէ ձեզմէ մէկը նախագահին սեղանը հրաւիրուի: Դաւիթ Մեմփիփոսթէի ոչ թէ միայն կեանք շնորհեց, ոչ թէ միայն ժառանգ տուաւ, այլ նաեւ հրաւիրեց իր հետ ամէն օր սեղան նստելու: Տէրն ալ մեզի կ'ըսէ. «Ոչ թէ եկայ որ միայն կեանք ունենաք, ու յաւիտենականութիւնը ժառանգէք, այլ՝ եկայ որ դուք իմ հետս ամէն օր յարաբերութիւն ունենաք, իմ ներկայութեանս մէջ գտնուիք»: Տէրը ընդունեց մեզ եւ կը խնդրէ որ հետը ժամանակ անցնենք: Ի՛նչ երանելի պատկեր է – Դաւիթ խոստումը յարգեց եւ Մեմփիփոսթէն սիրալիւ կերպով ընդունեց: Նոյնպէս ալ Իմ Երկնաւոր Հայրս Իր խոստումը տակաւին պատրաստ է յարգելու եթէ իմ անապատէս դուրս գամ եւ կաղ վիճակովս Իրեն երթամ: Ան կ'ըսէ. «Եկուր ինծի եւ համտեսէ Իմ ողորմութիւնս»:

Եթէ դուն տակաւին Մեմփիփոսթէ ես, տակաւին կաղ ես, տակաւին անապատին մէջ եւ ու Աստուծմէ հեռու ես, Տէրը կ'ըսէ. «Եկուր, Քրիստոսով նոր կեանք պիտի տամ քեզի»: Որոշումը քեզի է: Իսկ եթէ արդէն համտեսած ես Իր ողորմութիւնը, գնա՛ եւ ուրիշներուն պատմէ: Խնդիր չէ թէ ուրիշը արժանի է կամ ոչ, Քրիստոսի սիրոյն ողորմութիւն ցուցուցէք այդպիսիներուն, ինչպէս Ինք ցուցուց մեզի: Դաւիթ Յովնաթանի խոստացած ողորմութիւնը կատարեց, եւ երբ Մեմփիփոսթէ Դաւիթի սեղանը կը նստէր սեղանին ծածկոցը անոր ոտքերը կը ծածկէին: Նոյնպէս ալ տէրը երբ մեզ կը կանչէ, կ'ըսէ. «Եկուր, Իմ հետ սեղան նստէ», Ան կը ներէ ու մեր կաղ ըլլալն անգամ կը մոռնայ որովհետեւ Քրիստոսի արդարութիւնը ծածկոցի պէս մեր տկարութիւններն ու մեղքերը կը ծածկէ երբ Տիրոջը ներկայութեան մէջ ըլլանք: Այս է խոստումը: Եկու՛ր:

Յովան եղբ. Գույումճեան
«Հատընտիր հոգեւոր պատգամներ»

Յոր (1)

Յորի մասին շատ բան կայ, որ չենք գիտեր, բայց այն ինչ գիտենք կարելու է: Մենք գիտենք, որ ան ապրած է Ուր երկրին մէջ: Որտե՞ղ կը գտնուէր այդ երկիրը: Մենք գիտենք, որ ան հարուստ եւ ուղղամիտ մարդ էր եւ հողագործութեամբ կը զբաղուէր: Ան եօթ որդի եւ երեք դուստր ունէր:

Կարելու տեղեկութիւնը, որ գիտենք Յորի մասին այն է, որ ան Աստուծոյ առջեւ ուղիղ էր: Աստուած կարող էր իրեն նայիլ ու ըսել, թէ անոր նմանը չկայ. ան կատարեալ, ուղիղ, Աստուածավախ ու չարէն հեռացող մարդ մըն էր:

Սատանան հակառակ կարծիք ունէր: Աստուած անոր հարցուց, թէ արդեօք Իր ծառայ Յորին ուշադրութիւն դարձո՞ւց: Սատանան պատասխանեց՝ այո՛, եւ ըսաւ, թէ Յորը Իրեն կը ծառայէ միայն օգուտ ստանալու համար: Եւ Եթէ Աստուած հեռացնէ իր ողջ ունեցումը, ապա Յորը կը հայիոյէ Աստուծոյ երեսին:

Ճիշտ է, կան մարդիկ, ովքեր Աստուծոյ կը ծառայեն շահի համար: Գուցէ ունինք ծանօթներ, ովքեր եկեղեցական ծառայութիւններուն կը մասնակցին, քանի որ ատիկա լաւ է իրենց պիզնէսի համար: Երբ Յորի պատմութիւնը կը կարդանք, կը տեսնենք, թէ անոր միախառնողներն այդպէս կը մտածէին իր մասին: Անոնք Յորին խորհուրդ տուին հնազանդիլ Աստուծոյ, որպէսզի վերականգնուի իր նախկին դիրքը:

Երբ սատանան ըսաւ, որ Յորը Աստուծոյ երեսին կ'անիծէ, եթէ կորսնցնէ իր ողջ ունեցումը, Աստուած անոր թոյլ տուաւ վնասել Յորի ընտանիքին եւ ունեցումըին, բայց թոյլ չտուաւ Յորին դիպչել: Այս կերպ սկսաւ մրցոյթ մը: Մենք գիտենք, թէ այդ մրցոյթի ժամանակ ինչ փորձութիւն կը սպասէր Յորին, մինչ վերջինս գաղափար անգամ չունէր, թէ ինչ կը կատարուի իր հետ:

Սատանան անմիջապէս գործի դրաւ իր ծրագիրը: Ան չդպաւ Յորի կնոջը, բայց յարձակուեց անոր ողջ ունեցումըին եւ զաւակներու վրայ: Ասիկա խնամքով կազմակերպուած արշաւ էր: Սատանան մէկ օրուայ մէջ կազմեց երեք յարձակողական խումբ, որպէսզի գողնան Յորի բո-

լոր եզները, ոչխարներն ու ուղտերը, երբ Յոբի զաւակներն իրենց աւազ եղբօր տանը խնջոյք մէջ էին: Յարձակումը համակարգուած էր այնպէս, որ մէկ մարդ կարողացաւ փախչիլ՝ վերադառնալու եւ Յոբին պատմելու տեղի ունեցածի մասին: Այս երեք փրկուածները մէկը միսի ետեւէն ժամանեց, որպէսզի մեծցնեն Յոբի վրայ ազդեցութիւնը: Երբ երրորդն աւարտեց իր պատմութիւնը, չորրորդը եկաւ եւ յայտնեց, որ փոթորիկը կործանած է աւազ որդու տունը, եւ Յոբի բոլոր զաւակները մեռած են:

Սատանան անշուշտ կը սպասէր, որ Յոբը անիծէ Աստուծոյ: Բայց ան այդպէս չ'ըրաւ: Ան երկրպագութեան մէջ խոնարհեցաւ՝ ընդունելով, որ այս աշխարհ դատարկ եկած էր եւ այդպէս ալ պիտի հեռանայ անկէ: Տէրը տուած էր իրեն այդ ամէնը, եւ եթէ Տէրը հիմա կը վերցնէ, ուրեմն թող Իր կամքը ըլլայ: Ան դեռ կը փափաքէր, որ Տիրոջ անունը գովաբանուի:

Յոբի արձագանքը ցոյց կուտայ, թէ ինչպիսի մարդ էր ան: Աստուածաշունչը կ'ըսէ, թէ ան Աստուծոյ չմեղադրեց սխալ արարքներու մէջ: Մեզ համար հարց է, թէ արդեօ՞ք մեր ունեցուածքէն հեշտ կը հրաժարինք, այնպէս, ինչպէս Յոբը, եւ եթէ ամէն ինչ կորսնցնելու ըլլանք, արդեօք կ'ընդունի՞նք այն, ինչ տեղի ունեցաւ՝ առանց Աստուծոյ մեղադրելու:

Սատանան պատրաստ չէր ընդունելու, որ ինքը լիովին սխալ գնահատած էր Յոբի տեսակը: Ան փոխեց իր պատճառաբանութեան հիմքը՝ ըսելով, թէ մարդն ամէն ինչ կուտայ իր կեանքի դիմաց: Այնուհետեւ ան պնդեց, որ եթէ Յոբի կեանքին դիպչի, ապա ան անպայման կ'անիծէ Աստուծոյ: Եւս մէկ անգամ Աստուած, ով կը ճանչնար Յոբին, թոյլ տուաւ սատանային յարձակիլ անոր վրայ: Յոբը ցատտ վերքերով կը տառապէր՝ ոտքի թաթէն մինչ գլուխը: Սակայն սատանան չդպաւ Յոբի կնոջը. շատ շուտով ան կ'սկսածի տակ դրաւ Յոբի արարքները եւ ըսաւ իրեն, որ Աստուծոյ անիծէ ու մեռնի:

Ուշադրութիւն դարձուցէ՛ք, թէ սատանան ինչպէս կը գործէ: Ան կը մեղադրէ Աստուծոյ ժողովուրդին ու կը փորձէ նսեմացնել իրենց: Ան չի միջամտէր այնտեղ, որտեղ կը կարծէ, թէ առաւելութիւն կրնայ ստանալ: Մենք պէտք է միշտ զգայուն ըլլանք եւ պէտք չէ թերագնահատենք անոր զօրութիւնը: Բայց կան երկու կարեւոր ճշմարտութիւններ, որոնք

պէտք է յիշենք: Նախ՝ միայն Աստուած է ամենակարող, երկրորդ՝ սատանան կարող է գործել միայն Աստուծոյ կողմէ սահմանուած չափով:

Տոն Սթորմը
(Շարունակելի)

Փոփոխութիւններ ACM-ի մէջ

«Նոյնպէս դուք, երբ բոլոր ձեզի հրամայուած բաները ընէք, ըսէք, թէ՛ «Մենք անպիտան ծառաներ ենք, քանզի ինչ որ պարտական էինք ընելու՝ ըրինք»» (Ղուկ. 17:10)

Այս համարը ինծի նուիրած է իմ սիրելի եղբայրս 2010 թուականին Երեւանի մէջ, Հայաստան կատարած իմ առաջին այցի ժամանակ: Այս ճանապարհորդութիւնը հնարաւոր դարձաւ Հրաչ Գույոյճեանի սիրալիր հրաւերով, որու անունը հոմանիշ է «Ազդարարութեան փող» թերթի հետ: Սա այն ծառայութիւնն է, որը հիմնադրուեցաւ 54 տարի առաջ Հրաչ եղբոր հօր՝ Արթուր Գույոյճեան եղբոր կողմէ եւ հաւատարմօրէն կը շարունակուի մինչեւ այսօր:

Այդ առաջին այցելութիւնէն ի վեր ես քաջալերուած ու օրհնուած եմ տեսնելով Հայ քրիստոնէական առաքելութեան եւ անոր ծառայակիցներու աշխատանքը, ովքեր հաւատարմօրէն Աւետարանը կը ներկայացնեն կարիքաւորներուն, ոչ միայն Հայաստանի, այլեւ Լիբանանի մէջ: Այս տարուայ Յուլիս 13-22-ին առաջին անգամ ըլլալով պատիւ ունեցայ Լիբանանի մէջ վերջին երեք տարիներուն մէջ ACM-ի ծառայութիւնը վերահսկող Բաֆֆի Չափարեան եղբոր հետ Լիբանան այցելել:

Ես իսկապէս զգացուած եմ անցեալ տարուայ Յուլիս ամսին Հայ քրիստոնէական առաքելութեան ատենապետը կարգուելով: Ղուկաս 17:10-ի խորիմաստ խօսքերը կրկնելով՝ ես անպիտան ծառայ մըն եմ, միայն կ'ընեմ այն, ինչ պարտաւոր եմ ընել: Պարտական բառի համար օգտագործուած Յունարէն բառը այնքան տեղին է. այն կը նշա-

նակե՝ պարտքը վճարել: Պօղոսի խօսքերով՝ ես ոչինչ եմ, բայց մենք կը յիշենք Տէր Յիսուսի մխիթարութիւնը. «Առանց ինծի բան մը չէք կրնար ընել» (Յովհ. 15:5):

Մենք կ'ուզենք քաջալերել ձեզ Տիրոջ գործին մէջ բաժին ունենալ, ինչպէս նախկինին ըրած էք՝ թէ՛ ձեր աղօթքներով եւ թէ՛ գործնական աջակցութեամբ:

Երեսանի մէջ Տէրը մեզ նոր շէնք նուիրեց, որը կը կոչուի՝ Փարոս: Այս տարուայ միսիոներական առաքելութեան մասնակցող անդամներուն կարողացանք շատ յարմարաւէտ կերպով տեղաւորել այս շէնքին մէջ, եւ անհամբերութեամբ կը սպասենք աւելին ընել մեր յաջորդ ուղեւորութեան ժամանակ (Օգոստոս 30 - Սեպտեմբեր 16, 2024թ.):

Այս տարածքին մէջ նախատեսուած են աւելի շատ միջոցառումներ անցկացնել.

- Աստուածաշունչի շաբաթական ուսումնասիրութիւններ եւ Աւետարանի քարոզչութիւն մեր խնամքի տակ գտնուող ընտանիքներու եւ այցելուներու համար:
- Մարտուն եղբայրը ծանրաբեռնուած է եղբայրական ժողովներ սկսելու համար:
- Մանկական ծառայութիւններ եւ հանդիպումներ՝ ACM-ի մեր աշխատակիցներուն խրախուսելու համար:

Հայաստանի եւ Լիբանանի շուրջ 150 ընտանիքներու աջակցութիւնը Տիրոջ շնորհքով կը շարունակուի: Մենք երախտապարտ ենք բոլոր անոնց, ովքեր այս տարիներու ընթացքին անձնուիրաբար իրենց ներդրումն ունեցան այս ծառայութեան մէջ: Մենք կը գնահատենք ձեր աղօթքները ու հաւատքով եւ ակնկալութեամբ կը նայինք մեր Տիրոջը ու Անոր երեսը կը փնտռենք, որպէսզի Ան առաջնորդէ մեզ մինչ այս տարին կը մօտենայ իր վախճանին: Թող որ շարունակենք մեր Տիրոջ եւ Բրիստոսի համար ընել այն, ինչ պարտաւոր ենք ընել:

Տօքթր՝ Դանիէլ Դէյմս